

Broj: 03-02-975/2020
Sarajevo, 09.02.2023. godine

**PARLAMENT FEDERACIJE
BOSNE I HERCEGOVINE**

- **Predstavnički dom**
gđa. Mirjana Marinković-Lepić, predsjedavajuća

- **Dom naroda –**
gosp. Tomislav Martinović, predsjedavajući

Poštovani,

U prilogu Vam dostavljam **INFORMACIJU O PRIMJENI POSTOJEĆE SREDNJOROČNE STRATEGIJE RAZVOJA POLJOPRIVREDNOG SEKTORA U FEDERACIJI BOSNE I HERCEGOVINE U 2023. GODINI DO USVAJANJA NOVE STRATEGIJE POLJOPRIVREDE I RURALNOG RAZVOJA 2021.-2027. GODINA**, koju je Vlada Federacije Bosne i Hercegovine usvojila na 350. sjednici, održanoj 09.02.2023. godine.

Ovim putem Vas molim da, u skladu sa čl. 99. i 100. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08 i 26/20) i čl. 89. i 90. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09 i 24/20), u Prijedlog dnevnog reda prve naredne sjednice Predstavničkog doma Parlamenta Federacije Bosne i Hercegovine i Prijedlog dnevnog reda prve naredne sjednice Doma naroda Parlamenta Federacije Bosne i Hercegovine uvrstite Strategiju poljoprivrede i ruralnog razvoja 2021-2027. godina, koju sam u parlamentarnu proceduru uputio aktom broj: 03-02-975/2020 od 28.10.2022. godine, kao i da se što prije formira Odbor za poljoprivredu, vodoprivredu i šumarstvo Doma naroda Parlamenta Federacije Bosne i Hercegovine.

S poštovanjem,


PREMIJER
Fadi Novalić
Fadi Novalić

**CO:FEDERALNO MINISTARSTVO POLJOPRIVREDE,
VODOPRIVREDE I ŠUMARSTVA**
gosp. Šemsudin Dedić, ministar

Na osnovu člana 19. stav (4) Zakona o Vladi Federacije Bosne i Hercegovine ("Službene novine Federacije BiH" br. 1/94, 8/95, 58/02, 19/03, 2/06 i 8/06), na prijedlog Federalnog ministarstva poljoprivrede, vodoprivrede i šumarstva, Vlada Federacije Bosne i Hercegovine na 350. sjednici, održanoj 09.02.2023. godine, donosi

ZAKLJUČAK

1. Usvaja se o Informacija o primjeni postojeće Srednjoročne strategije razvoja poljoprivrednog sektora u Federaciji Bosne i Hercegovine u 2023. godini do usvajanja nove Strategije poljoprivrede i ruralnog razvoja 2021.-2027.godina.
2. U cilju donošenja Programa novčanih podrški u poljoprivredi i ruralnom razvoju za 2023. godinu u zakonom propisanom roku, Vlada Federacije Bosne i Hercegovine će do usvajanja nove Strategije poljoprivrede i ruralnog razvoja 2021-2027. godina primjenjivati postojeću strategiju.
3. Zadužuje se Generalni sekretarijat Vlade Federacije Bosne i Hercegovine da Informaciju iz tačke 1. ovog zaključka dostavi Parlamentu Federacije Bosne i Hercegovine uz urgenciju da što hitnije usvoji Strategiju poljoprivrede i ruralnog razvoja 2021-2027. godina, te uputi inicijativu Domu naroda Parlamenta Federacije Bosne i Hercegovine da što prije formira Odbor za poljoprivredu, vodoprivredu i šumarstvo Doma naroda Parlamenta Federacije Bosne i Hercegovine.
4. Zadužuje se Federalno ministarstvo poljoprivrede, vodoprivrede i šumarstva da pripremi Program novčanih podrški u poljoprivredi i ruralnom razvoju za 2023. godinu i isti dostavi Vladi Federacije Bosne i Hercegovine na razmatranje i usvajanje.
5. Ovaj zaključak stupa na snagu danom donošenja.

V. broj: 161 /2023
09.02.2023. godine
Sarajevo



INFORMACIJA

o primjeni postojeće Srednjoročne strategije razvoja poljoprivrednog sektora u Federaciji Bosne i Hercegovine u 2023. godini do usvajanja nove Strategije poljoprivrede i ruralnog razvoja 2021.-2027. godina

Program novčanih podrški u poljoprivredi i ruralnom razvoju donosi se u skladu sa Zakonom o poljoprivredi („Službene novine Federacije BiH“, br. 88/07, 04/10, 27/12, 7/13 i 82/21), Zakonom o novčanim podrškama u poljoprivredi i ruralnom razvoju („Službene novine Federacije BiH“, br. 42/10 i 99/19); (u daljnjem tekstu: Zakona o novčanim podrškama), Srednjoročnom strategijom razvoja poljoprivrednog sektora u Federaciji BiH i Zakonom o izvršenju Budžeta Federacije BiH za 2023. godinu („Službene novine Federacije BiH“, broj 6/23).

Zakonom o novčanim podrškama u članu 4. definirano je da Vlada Federacije BiH razmatra i donosi Program utroška sredstava za poljoprivredu i ruralni razvoj u roku od 60 dana od usvajanja Budžeta Federacije BiH.

Zakonom o izvršenju Budžeta Federacije BiH za 2023. godinu u članu 30. stav (2) propisano je da će Vlada Federacije BiH u skladu s ukazanom potrebom, na prijedlog resornog ministarstva, najkasnije u roku od 30 dana od dana stupanja na snagu ovog Zakona, donijeti Program utroška sredstava.

Članom 51. Zakona o izvršenju Bužeta propisano je da “u slučaju da drugi zakoni i propisi sadrže odredbe o načinu izvršavanja Budžeta i pravima i obavezama korisnika budžetskih sredstava, koje su u suprotnosti s ovim Zakonom, primjenjuju se odredbe ovog Zakona”.

Zakonom o poljoprivredi u članu 5. u stavu (1) propisano je da se Poljoprivredna politika provodi prema Strategiji poljoprivrede i ruralnog razvoja Federacije Bosne i Hercegovine kojom se utvrđuju ciljevi i prioriteti razvoja sektora, način njihovog ostvarivanja, finansijski i institucionalni okvir za implementiranje, monitoring, evaulaciju i izvještavanje. U stavu (2) istog člana propisano je da Federalno ministarstvo poljoprivrede, vodoprivrede i šumarstva koordinira i vodi proces izrade poljoprivredne strategije uvažavajući principe izrade strateških dokumenata u Federaciji koji su propisani Zakonom o razvojnom planiranju i upravljanju razvojem u Federaciji Bosne i Hercegovine (“Službene novine Federacije BiH“, broj 32/17) i Uredbom o izradi strateških dokumenata u Federaciji Bosne i Hercegovine (“Službene novine Federacije BiH“, br. 74/19 i 2/21).

Federalno ministarstvo poljoprivrede, vodoprivrede i šumarstva, provelo je proceduru izrade i pripremio prijedlog Strategije o poljoprivredi i ruralnom razvoju Federacije BiH, koju je Vlada Federacije BiH razmatrala i usvojila na 336. sjednici održanoj 27.10.2022. godine te je uputila Parlamentu Federacije BiH na razmatranje i usvajanje.

Strategija u poljoprivredi i ruralnom razvoju Federacije BiH još nije razmatrana u Parlamentu Federacije BiH, te je nepochodno uputiti urgenciju da se ista stavi na dnevni red Parlamenta radi njenog razmatranja i usvajanja.

Važno je istaći da je i ranija Strategija poljoprivrede 2010 - 2013. godina istekla i da je zbog neusvajanja nove Strategije njena primjena produžena do kraja 2014. godine. Također, primjena Strategije poljoprivrede 2015 - 2019. godina je produžena do kraja 2022. godine kada je od strane Vlade Federacije BiH Informacija poslata Zastupničkom domu i Domu naroda Parlamenta Federacije BiH na razmatranje i upoznavanje sa istom, a radi odredbi Zakona o poljoprivredi kojim je predviđeno da se prilikom izrade Strategije o poljoprivredi i ruralnom razvoju mora voditi računa o odredbama Zakona o razvojnom planiranju i upravljanju razvojem u Federaciji BiH i Uredbom o izradi strateških dokumentata u Federaciji BiH. Izbor prioriteta za novčanu podršku, novčani iznosi za pojedine vrste poticaja i uslovi koje moraju ispunjavati poljoprivredna gazdinstva da bi ostvarili poticaj, utvrđuju se Zakonom o novčanim podrškama, na osnovu kojeg se izrađuje godišnji Program novčanih podrški.

Pored toga, neophodno je hitno djelovanje vezano za donošenje Progama novčanih podrški u poljoprivredi i ruralnom razvoju jer je Zakonom o izvršenju Budžeta Federacije BiH za 2023. godinu propisano da za sredstva utvrđena na razdjelu 24 glava 2401 Budžeta, ekonomski kod 614500 – Subvencije privatnim preduzećima i poduzetnicima – Poticaj za poljoprivredu za 2023. godinu, Vlada Federacije BiH će u skladu sa ukazanom potrebom na prijedlog resornog ministarstva, najkasnije u roku od 30 dana od dana stupanja na snagu navedenog Zakona, donijeti Program utroška sredstava.

Radi svega naprijed iznesenog, potrebno je da se postojeća Srednjoročna strategija razvoja poljoprivrednog sektora u Federaciji BiH za period 2015.-2019. godina, a čije važenje je produženo do kraja 2022. godine, primjenjuje i u 2023. godini, odnosno sve dok se ne usvoji nova Strategija poljoprivrede i ruralnog razvoja Federacije BiH 2021.-2027. godina.

Imajući u vidu prethodno navedene zakonske odredbe, a uvažavajući zahtjeve poljoprivrednih proizvođača, udruženja poljoprivrednika i drugih zainteresiranih strana, te potrebe da se na vrijeme donese Program novčanih podrški u poljoprivredi i ruralnom razvoju za 2023. godinu, a radi ostvarivanja prava na novčanu podršku klijenata, naročito u vrijeme proljetne sjetve kada su novčana sredstva poljoprivrednim proizvođačima i najpotrebnija, Vladi Federacije BiH se predlaže da usvoji ovu informaciju.

Istovremeno je potrebno, u cilju osiguranja zakonom propisanih uslova za donošenje Programa novčanih podrški u poljoprivredi i ruralnom razvoju za 2023. godinu da se primjeni postojeća Strategija i obavijesti o predmetnom Parlament Federacije Bosne i Hercegovine. Imajući u vidu da je Vlada Federacije BiH već utvrdila prijedlog nove Strategije poljoprivrede i isti uputila u parlamentarnu proceduru predlažemo da se Parlamentu Federacije Bosne i Hercegovine uputi urgencija za što hitnije donošenje iste.